



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij  
in Regno Sicil. Consultoris, Practicæ Resolutiones  
Lectissimorum Casuum**

**Diana, Antonino**

**Antverpiæ, 1645**

Extrema vinctio.

**urn:nbn:de:hbz:466:1-41753**

gravis poena. Hurtadus *p. 5. tr. 9. ref. 11.*  
 2 Qui ministrat sacramenta cum  
 comm. minori ne venialiter quidem  
 peccat; quia tantum priuatur passim  
 sacramentorum participatione. Suarez  
 & alij. *ibid. ref. 3. & 45. & p. 3. tr. 4. ref. 56.*  
 3 Absoluere ab illâ potest quiuvis sim-  
 plex sacerdos quando non est con-  
 tracta per peccatum mortale, imò pos-  
 se etiam quamuis esset per peccatum  
 mortale, non est omnino à ratione re-  
 uentum. Hurtad. & alij. *p. 5. tr. 9. ref. 3.*

*Extrema unctio.*

- 1 **R**enouandum est quotannis oleum  
 infirmorum, & vetus combu-  
 rendum in Ecclesiâ, vel in piscinam  
 iniiciendum: si tamen nullum adsit o-  
 leum nisi vetus, potest eo inungi mor-  
 ribundus. Layman. *p. 3. tra. 4. ref. 176. &*  
*p. 5. tr. 3. ref. 90.*
- 2 Formam indicatiuam in hoc Sacra-  
 mento sufficere, alij aiunt. (Becan. &  
 alij 2.) alij negant. (Coninc & alij 3.)  
 ut ut sit, hæc videtur sufficere: *Vngo te*  
*oleo Sancto, & Deus tibi remittat quid-*  
*quid peccasti, &c.* Suarez & alij 2. *p. 3.*  
*tr. 4. ref. 175.*
- 3 Si Sacerdos omitteret illa verba  
 (per

(per suam piissimam misericordiam) conficeret Sacramentum: quia causa principalis operans in hoc Sacramento, sufficienter per verba sequentia exprimitur. Suarez & alij 5. *ibid* ref. 180.

4 Quando extrema unctio esset ad salutem necessaria deficientibus aliis Sacramentis posset administrari à nominatim excommunicato, vel suspenso, imò fortè quamvis necessaria ad salutem non esset. Prepositus. p. 5. tr. 3. ref. 81.

5 Probabile videri potest sufficere unâ olei stillam ad unamquamque unctionem huius Sacramenti. ex Suarez & Reginald. Saltem Sacerdos alio modo ungens infirmum quàm in formam crucis, non peccat mortaliter. Suarez & alij 5. p. 3. tr. 4. ref. 177. & 178.

6 Sacerdos peste grassante, potest ungere infirmum virgâ oblongâ oleo tinctâ, quam postea comburat. Sylu. & Chapeauil. *ibid.* ref. 167. Imò omisso Crucis signo potest unam tantum partem magis expositam inungere, additâ verborum formulâ. Sed melius est velocissimè unum ex singulis membris inungere, unicâ sententiâ omnium partialium formarum sententias completente, dicendo: *Per istas unctiones &*

Q 5 *suam,*

suam, &c. quidquid deliquisti per visum, auditum, &c. Coninc & alij *ibid.* ref. 82. & p. 5. tr. 3. ref. 79. & 80.

7 Si inter unguendum infirmum moreretur Sacerdos, posset alter succedere, & unctioes restantes supplere. Turrian. & alij 5. Imò quando periculum esset ne Sacramentum non perficeretur moriente ægroto, licitè possent plures simul diuersos sensus inungere. Præpos. & alij 5. p. 5. tr. 3. ref. 87. & 88.

8 Ante susceptionem extremæ unctio- nis non est necessariò præmittenda confessio, vel communio. Filliuc. & alij *ibid.* ref. 92.

9 Etsi probabile sit gratiam conferri, quando vnica unctio perfecta est cum sufficienti forma verborum: (Becan & Sylu.) probabilius tamen est non conferri, nisi vltimâ unctioe perfecta. Suarez & alij 8. p. 3. tr. 4. ref. 179.

10 Non suscipere Sacramentû extremæ Unctiois, secluso contemptu, & scandalo, non est peccatû saltem mortale. (Coninc & alij 2.) quia nullum præceptum ad id obligat. Neque tenerur Sacerdos alius, absente Parocho, id ministrare ægro, nisi sub veniali, ex lege caritatis, præterquâ si is grauiter indige-

ret,

ret, vt quia aliàs sine vllis Sacramentis  
esset moriturus. Layman. Notandum si  
Pastor abſit, vel si non poſſit, aut nolit,  
poſſe inferiorem Sacerdotem, vel reli-  
gioſum, etiam renitente Parocho, in-  
firmum inungere. Henriq. & alij 6. *ibi.*  
*ref. 170. & p. 5. tr. 3. ref. 82.*

11 Non eſt differenda Extrema Vnctio  
dum infirmus ſenſu, & cognitione ca-  
reat; vel conſtet non poſſe eum natura-  
liter ſuperuiuere, id enim eſt cõtra re-  
uerentiam, & vilitatẽ huius Sacramẽ-  
ti, quod etiam conducit ad corporis  
ſanitatẽ. Sotus & alij 2. p. 3. tr. 4. *ref. 175.*

12 Moribundus quia alia Sacramenta  
non potuit ſuſcipere, poteſt inungi et-  
iam tempore interditi, ne ſine vllis  
Sacramentis decedat. Henriquez &  
Zambran. *ibid ref. 171.*

13 Si peſte infecti confeſſi ſunt, poteſt  
Parochus tutã conſcientiã Sacramenta  
Eucharistiæ (Maior & Molfel.) & Extre-  
mæ Vnctionis illis non miniſtrare. Vil-  
lalob. & alij 5. Imò extremam vnctio-  
nem poteſt omittre quamuis confeſſi  
non ſint, ſi perieulum vitæ ex admini-  
ſtratione immineat; tum quia poteſt  
infirmus per contritionẽ ſaluari, tum  
quia non ſatis conſtat extremam vn-

ctio-

- tionem sufficere ad delenda moralia  
quoad culpam. Hurtad. & Tanner. *id.*  
*ref. 174. & p. 5. tr. 3. ref. 53. & 83.*
- 14 Quando morbus est diuturnus  
hectica, vel hydropisis, si post susceptam  
unctionem euaserit periculum mortis,  
hoc postea redeunte, debet iterum in-  
ungi *p. 5. tr. 3. ref. 96.*
- 15 Adulto in articulo mortis recens  
baptizato, potest Sacramentum Extre-  
mæ Vnctionis absolutè conferri. Hen-  
riquez & alij 10. *p. 3. tr. 4. ref. 172. & p. 5.  
tr. 3. ref. 86.*
- 16 Omnibus pueris post septennium,  
nisi constet illos carere usu rationis,  
danda est extrema unctio, licet num-  
quam communicarint. Layman & alij  
6. *p. 3. tr. 6. ref. 89.* In dubio autem, an  
habeant usum rationis, possunt inun-  
gi sub conditione. Sancius & alij 2. *ibid.  
tr. 4. ref. 169. & p. 5. tr. 3. ref. 85.*
- 17 Parochus etiam si ex confessione  
cognoscat puerum numquam actuali-  
ter peccasse, debet tamen illum inun-  
gere; nam illi proderit hæc unctio ad  
robur acquirendum contra tentatio-  
nes, & morbi molestias, & ad gratiam  
augendam. Suarez & alij 6. *p. 3. tract. 4.  
ref. 181.*

18 Phrenetici in articulo mortis si administrationi extreme vñtionis resistant, ligandi sunt, vel fortiter tenendi: imò id necessarium erit quoties alia sacramenta suscipere non possunt. Granad. & alij 8. p. 5. tr. 3. ref. 84.

F.

## FALSARIUS.

1 **N**on est falsarius qui mutat scripturam in aliquâ re quæ nititur veritate, vt si testis aliquis subscripserat, & postea amisso instrumento alioque confecto, subscribat alius nomine illius testis. & sic de aliis. Gypt. & alij 6. p. 5. tr. 14. ref. 40.

2 Amisso testamento, vel alio instrumento publico, non licet confingere aliud simile: quia eiusmodi falsificationes licet nemini priuato faciant iniuriam, sunt tamen reipub. perniciosæ. Couarr. & alij 2. p. 3. tr. 6. ref. 56.

## Fama.

1 **O**bscuro verum crimen, sed ita occultum vt alter peccet mortaliter illud euulgando, licet dicere: *mentis;*